

## Član 3.

(Javni poziv i dokumentacija)

- (1) Sredstva sa budžetske pozicije predviđena za naknadu dijela troškova zastupanja pred nadležnim sudom pripadnika Armije R BiH i MUP-a utvrđena ovim Pravilnikom, dodjeljivat će se na osnovu podnesenih prijava Udruženja, a u skladu sa objavljenim javnim pozivom koji se objavljuje na web stranici Općine, a koji ostaje otvoren 8 (osam) dana od dana objavljivanja.
- (2) Prijave za ostvarivanje prava za naknadu troškova iz stava (1) ovog člana, podnose se nadležnoj službi za poslove boračko-invalidske zaštite, putem protokola Općine ili preporučeno putem pošte, a konačni odabir između prijavljenih kandidata izvršit će Komisija koju će imenovati općinski načelnik Općine Stari Grad Sarajevo iz reda članova Udruženja od posebnog značaja za Općinu Stari Grad Sarajevo i državnih službenika Općine Stari Grad Sarajevo.
- (3) Isplatu odobrenih novčanih sredstava izvršit će Služba za finansije i budžet Općine Stari Grad Sarajevo.
- (4) Udruženje je obavezno do kraja kalendarske godine Komisiji za praćenje realizacije projekata i utroška sredstava po osnovu javnih poziva za dodjelu sredstava iz Budžeta Općine Stari Grad Sarajevo, dostaviti finansijski izvještaj o namjenskom utrošku sredstava.
- (5) Ukoliko Udruženje ne dostavi finansijski izvještaj o namjenskom utrošku sredstava, navedenom u stavu (4) istog člana, dobijenih po osnovu ovog javnog poziva, isto neće imati pravo na dodjelu sredstava iz Budžeta Općine jednu godinu od dana docnje.

## Član 4.

(Sredstva)

Sredstva za naknadu dijela troškova zastupanja pred nadležnim sudom pripadnika Armije R BiH i MUP - a iz člana 2. ovog Pravilnika, utvrđuju se u Budžetu Općine Stari Grad Sarajevo (u daljem tekstu: Budžet Općine) za svaku kalendarsku godinu.

## Član 5.

(Način ostvarivanja prava)

- (1) Udruženja iz člana 1. ovog Pravilnika, uz prijavu na javni poziv dužna su priložiti sljedeću dokumentaciju:
  - popunjen, potpisan i ovjeren prijavi obrazac za ostvarivanje prava na naknadu dijela troškova zastupanja pripadnika Armije R BiH i MUP-a, a koji se preuzima na web stranici Općine ili u Šalter sali Općine Stari Grad Sarajevo - šalter broj 3,
  - rješenje o registraciji udruženja, izdato od nadležnog organa,
  - uvjerenje o poreznoj registraciji (ID broj), ne starije od 3 (tri) mjeseca,
  - izvještaj o urednom finansijskom poslovanju za prethodnu godinu (bilans stanja i bilans uspjeha) FIA,
  - dokaz o aktivnom transakcijskom računu udruženja.
- (2) Udruženje iz stava (1) ovog člana koje ostvari finansijska sredstva shodno odredbama ovog Pravilnika, ista će dodijeliti fizičkim licima koja uz zahtjev prema Udruženju dostave sljedeću dokumentaciju:
  - dokaz da se vodi krivični postupak pred nadležnim sudom za krivična djela iz člana 2. stav (1) ovog Pravilnika,

- dokaz o visini troškova zastupanja pred nadležnim sudom utvrđenih od strane advokata u skladu sa Tarifom o nagradama i naknadi troškova za rad advokata, za navedena krivična djela, na osnovu kojeg će se utvrditi pripadajući novčani iznos.

## III - PRELAZNE I ZAVRŠNE ODREDBE

## Član 6.

(Stupanje na snagu)

Ovaj Pravilnik stupa na snagu danom donošenja, a naknadno će biti objavljen u "Službenim novinama Kantona Sarajevo".

Broj 02-45-251/25  
27. marta 2025. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 26. i 84. stav (1) Statuta Općine Stari Grad Sarajevo ("Službene novine Kantona Sarajevo", broj 20/24), Općinsko vijeće Stari Grad Sarajevo na 5. redovnoj sjednici, održanoj dana 27.03.2025. godine, donijelo je

## PRAVILNIK

**O IZMJENAMA I DOPUNAMA PRAVILNIKA O OSTVARIVANJU PRAVA NA JEDNOKRATNU NOVČANU POMOĆ PORODICAMA ŠEHIDA I POGINULIH BORACA, RATNIM VOJNIM INVALIDIMA I DEMOBILISANIM BORCIMA**

## Član 1.

U Pravilniku o ostvarivanju prava na jednokratnu novčanu pomoć porodicama šehida i poginulih boraca, ratnim vojnim invalidima i demobilisanim borcima ("Službene novine Kantona Sarajevo", broj 32/24), iza člana 4. dodaje se član 4a. koji glasi:

## "Član 4a.

(Javni poziv i potrebna dokumentacija)

- (1) Sredstva sa budžetske pozicije predviđena za ove namjene dodjeljuju se na osnovu javnog poziva koji se objavljuje na web stranici Općine i ostaje otvoren 15 (petnaest) dana od dana objave.
- (2) Javni poziv objavljuje općinski načelnik Općine Stari Grad Sarajevo, uz prethodno donošenje Odluke o utvrđivanju ukupnog iznosa finansijskih sredstava iz budžeta Općine Stari Grad Sarajevo, koja su predmet javnog poziva iz stava (1) ovog člana.
- (3) Jednokratna novčana pomoć utvrđena ovim Pravilnikom dodjeljivat će se na osnovu prijava podnesenih od strane boračkih udruženja od posebnog značaja za Općinu Stari Grad Sarajevo.
- (4) Uz prijavu iz stava (2) ovog člana, obavezno se prilaže sljedeća dokumentacija (original ili ovjerena fotokopija):
  - 1) prijedlog lica - spisak članova porodica šehida i poginulih boraca, ratnih vojnih invalida i demobilisanih boraca),
  - 2) obavještenje o prebivalištu za predložena lica (CIPS prijava) ne starije od 3 mjeseca,
  - 3) ukoliko se radi o članovima porodica šehida i poginulih boraca ili ratnim vojnim invalidima, dokaz da su korisnici prava iz oblasti boračko-invalidske



zaštite (nadležna služba službenim putem vrši provjeru),

- 4) ovjerena Izjava da predložena lica u prethodne dvije godine nisu ostvarila pravo na jednokratnu novčanu pomoć u skladu sa ovim Pravilnikom (Izjavu daje udruženje),
- 5) tekući račun za predložena lica."

Član 2.

Član 5. mijenja se i glasi:

- "(1) Pravo na dodjelu jednokratne novčane pomoći licima iz člana 2. stav (1) ovog Pravilnika, korisnici mogu ostvariti jednom u toku kalendarske godine u skladu sa raspoloživim sredstvima u Budžetu.
- (2) Nakon provedenog postupka utvrđivanja ispunjavanja svih propisanih uslova, općinski načelnik, putem nadležne Službe, donosi zaključak o odobravanju sredstava za dodjelu jednokratne novčane pomoći za lica koja ispunjavaju propisane uslove.
- (3) Na osnovu zaključka iz stava (2) ovog člana, lice ostvaruje pravo na direktnu uplatu dodijeljenih sredstava iz budžeta Općine za tekuću kalendarsku godinu."

Član 3.

Iza člana 6. dodaje se novi član 6a. koji glasi:

Član 6a.

(Obrasci zahtjeva po javnom pozivu)

Nadležna služba će izraditi obrazac prijave na javni poziv iz člana 4a. ovog Pravilnika sa popisom i nazivom potrebne dokumentacije, a koji će činiti sastavni dio javnog poziva."

Član 4.

U ostalom dijelu Pravilnik o ostvarivanju prava na jednokratnu novčanu pomoć porodicama šehida i poginulih boraca, ratnim vojnim invalidima i demobilisanim borcima ("Službene novine Kantona Sarajevo", broj 32/24), ostaje neizmijenjen.

Član 5.

Ovaj Pravilnik stupa na snagu danom donošenja, a naknadno će biti objavljen u "Službenim novinama Kantona Sarajevo".

Broj 02-45-252/25  
Marta 2025. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i člana 26. Statuta Općine Stari Grad Sarajevo ("Službene novine Kantona Sarajevo", broj 20/24), na 5. redovnoj sjednici održanoj dana 27.03.2025. godine, Općinsko vijeće Stari Grad Sarajevo, donosi

## PRAVILNIK

### O USLOVIMA I POSTUPKU DODJELE FINANSIJSKIH SREDSTAVA IZ BUDŽETA OPĆINE STARI GRAD SARAJEVO ZA SUFINANSIRANJE POSTAVLJANJA SOLARNIH PANELA ZA VLASTITE POTREBE NA STAMBENIM OBJEKTIMA INDIVIDUALNOG STANOVANJA

#### I. OPĆE ODREDBE

Član 1.

(Predmet Pravilnika)

Ovim Pravilnikom utvrđuju se uslovi i postupak dodjele finansijskih sredstava iz Budžeta Općine Stari Grad Sarajevo za

sufinansiranje postavljanja solarnih panela za vlastite potrebe na objektima individualnog stanovanja.

Član 2.

(Omjer sufinansiranja postavljanja solarnih panela na stambenim objektima individualnog stanovanja)

- (1) Općina Stari Grad Sarajevo sufinansira radove postavljanja solarnih panela do 50% od ukupno procijenjenih troškova navedenih radova.
- (2) Općina Stari Grad Sarajevo sufinansira troškove izrade projektno-tehničke dokumentacije u do 50% od ukupnih troškova za izradu navedene dokumentacije.

### II. USLOVI ZA DODJELU FINANSIJSKIH SREDSTAVA SUFINANSIRANJE POSTAVLJANJA SOLARNIH PANELA NA OBJEKTIMA INDIVIDUALNOG STANOVANJA

Član 3.

(Uslovi za dodjelu finansijskih sredstava za sufinansiranje postavljanja solarnih panela na objektima individualnog stanovanja)

Uslovi shodno odredbama ovog Pravilnika, koji moraju biti ispunjeni da bi se dodjelila finansijska sredstva za sufinansiranje postavljanja solarnih panela na objektima individualnog stanovanja:

- da je aplikant vlasnik ili suvlasnik objekta na koji se planira postavljanje solarnih panela;
- da ukoliko je aplikant suvlasnik objekta na koji se planira postavljanje solarnih panela za prijavu osigura notarski obrađenu saglasnost suvlasnika objekta;
- da je objekat na koji se planira postavljanje solarnih panela legalan, odnosno da je u zemljišnim knjigama i katastarskom operatu zabilježen u gabaritima koji odgovaraju stanju na terenu;
- da je objekat na koji se planira postavljanje solarnih panela objekat individualnog stanovanja u kojem aplikant trajno boravi;
- da je objekat na koji se planira postavljanje solarnih panela na području Općine Stari Grad Sarajevo;
- da je aplikant prijavljen na području Općine Stari Grad Sarajevo najmanje šest mjeseci računajući do dana objave javnog poziva.

### III. JAVNI POZIV ZA DODJELU FINANSIJSKIH SREDSTAVA ZA SUFINANSIRANJE POSTAVLJANJA SOLARNIH PANELA NA OBJEKTIMA INDIVIDUALNOG STANOVANJA

Član 4.

(Javni poziv)

- (1) Finansijska sredstva iz Budžeta Općine za sufinansiranje postavljanja solarnih panela na objektima individualnog stanovanja dodjeljuju se isključivo putem Javnog poziva, koji raspisuje općinski načelnik nakon usvajanja Budžeta za tekuću godinu i donošenja Odluke o raspisivanju Javnog poziva.
- (2) Odlukom iz stava (1) ovog člana se pokreće postupak dodjele finansijskih sredstava za sufinansiranje postavljanja solarnih panela na objektima individualnog stanovanja, kojom se utvrđuje ukupan iznos sredstava planiran u navedenu svrhu za tekuću godinu, te koja sadrži i druge podatke u skladu sa Smjernicama o minimalnim standardima dodjele budžetskih sredstava